

傳青主女科

女科下卷

陽曲傅 山青主手著

妊娠惡阻 三十九

亦有肝鬱
氣滯胸膈
膨悶見食
不惡不能
多食雖係
妊娠而非

婦人懷娠之後惡心嘔吐思酸解渴見食憎惡困倦欲
卧人皆曰妊娠惡阻也誰知肝血太燥乎夫婦人受妊
本於腎氣之旺也腎旺是以攝精然腎一受精而成娠
則腎水生胎不暇化潤於五臟而肝爲腎之子日食母
氣以舒一日無津液之養則肝氣迫索而腎水不能應
則肝益急肝急則火動而逆也肝氣既逆是以嘔吐惡
心之症生焉嘔吐縱不至太甚而其傷氣則一也氣既
受傷則肝血愈耗世人用四物湯治胎前諸症者正以
其能生肝之血也然補肝以生血未爲不佳但生血而

惡聞宜分
別治之後
另有方

方極效但
蘇子一兩
疑是一錢
之誤然國
初上元生
人稟賦最
壯或非用
一兩不效
今當下元
用一錢可
也萬不可

不知生氣則脾胃衰微不勝頻嘔猶恐氣虛則血不易
生也故於平肝補血之中加以健脾開胃之品以生陽
氣則氣能生血尤益胎氣耳或疑氣逆而用補氣之藥
不益助其逆乎不知妊娠惡阻其逆不甚且逆是因虛
而逆非因邪而逆也因邪而逆者助其氣則逆增因虛
而逆者補其氣則逆轉況補氣於補血之中則陰足以
制陽又何慮其增逆乎宜用順肝益氣湯

人參

一兩

當歸

酒洗

蘇子

炒研

白木

土三錢

茯苓

二錢

熟地

五錢

白芍

酒炒

麥冬

三錢

陳皮

三分

砂仁

炒研

神麴

炒一錢

水煎服一劑輕二劑平三劑全愈此方平肝則肝逆

除補腎則肝燥息補氣則血易生凡胎病而少帶惡

用一兩
 疏肝化滯
 湯全當歸
 酒洗六錢
 杭為酒炒
 三錢黨參
 去蘆三錢
 白扁豆去
 皮四錢雲
 苓二錢香
 附炒焦二
 錢砂仁炒
 研錢半條
 芩炒焦八
 分神麩炒
 焦錢半廣
 皮八分薄
 荷六分甘
 草五分水
 煎服

阻者俱以此方投之無不安最有
 益於胎婦其功更勝於四物焉

妊娠浮腫四十

妊婦有至五個月肢體倦怠飲食無味先兩足腫漸至遍身頭面俱腫人以爲溼氣使然也誰知是脾肺氣虛乎夫妊娠雖有按月養胎之分其實不可拘於月數總以健脾補肺爲大綱蓋脾統血肺主氣胎非血不蔭非氣不生脾健則血旺而陰胎肺清則氣旺而生子苟肺衰則氣餒氣餒則不能運氣於皮膚矣脾虛則血少血少則不能運血於肢體矣氣與血兩虛脾與肺失職所以飲食難消精微不化勢必至氣血下陷不能升舉而溼邪卽乘其所虛之處積而成浮腫症非由脾肺之氣血虛而然耶治法當補其脾之血與肺之氣不必祛溼而溼自無不去之理方用加減補中益氣湯

白朮一味
今多以蒼
朮充之凡
白朮偽者
更多白朮
補胎者本
打胎用者
宜審若恐
其偽以白
扁豆山藥
代之較安

人參

五錢

黃芪

三錢

柴胡

一錢

甘草

一分

當歸

三錢

白朮

五錢

茯苓

一兩

升麻

三分

陳皮

三分

水煎服四劑卽愈十劑不再犯夫補中益氣湯之立法也原是升提脾肺之氣似乎益氣而不補血然而血非氣不生是補氣卽所以生血觀當歸補血湯用黃芪爲君則較著彰明矣況溼氣乘脾肺之虛而相犯未便大補其血恐陰太盛而招陰也只補氣而助以利溼之品則氣升而水尤易散血亦隨之而生矣然則何以重用茯苓而至一兩不幾以利溼爲君乎嗟嗟溼症而不以此藥爲君將以何者爲君乎況重用茯苓於補氣之中雖曰滲溼而仍是健脾清肺之意且凡利水之品多是耗氣之藥而茯苓與參朮合

實補多於利所以重用之以分溼邪卽以補氣血耳

妊娠少腹疼 四十一

妊娠小腹作疼胎動不安如有下墜之狀人只知帶脉無力也誰知是脾腎之虧乎夫胞胎雖繫於帶脉而帶脉實關於脾腎脾腎虧損則帶脉無力胞胎卽無以勝任矣況人之脾腎虧損者非飲食之過傷卽色慾之太甚脾腎虧則帶脉急胞胎所以有下墜之狀也然則胞胎之系通於心與腎而不通於脾補腎可也何故補脾然脾爲後天腎爲先天脾非先天之氣不能化腎非後天之氣不能生補腎而不補脾則腎之精何以遽生也是補後天之脾正所以補先天之腎也補先後二天之脾與腎正所以固胞胎之氣與血脾腎可不均補乎方用安奠二天湯

人參一兩
無力者以
黨參代之
無上黨參
者以微黃
芪代之

人參

一兩
去蘆

熟地

一兩
九蒸

白朮

一兩
土炒

山藥

五錢
炒

炙草

一錢

山萸

五錢
蒸去核

杜仲

三錢
炒黑

枸杞

二錢

扁豆

五錢
炒去皮

水煎服一劑而疼止二劑而胎安矣夫胎動乃脾腎

雙虧之症非大用參朮熟地補陰補陽之品斷不能
挽回於頃刻世人往往畏用參朮或少用以冀建功
所以寡效此方正妙在多用也

好娠口乾咽痛 四十二

妊婦至三四個月白覺口乾舌燥咽喉微痛無津以潤以至胎動不安甚則血流如經水人以爲火動之極也誰知是水虧之甚乎夫胎也者本精與血之相結而成逐月養胎古人每分經絡其實均不離腎水之養故腎水足而胎安腎水虧而胎動雖然腎水虧又何能動胎必腎經之火動而胎始不安耳然而火之有餘仍是水之不足所以火炎而胎必動補水則胎自安亦既濟之義也惟是腎水不能遽生必須滋補肺金金潤則能生水而水有逢源之樂矣水既有本則源泉混混矣而火又何難制乎再少加以清熱之品則胎自無不安矣方用潤燥安胎湯

方極妙用
之立應萬
不可因咽
痛而加豆
根射干等
藥亦不可
因潤潤而
加寒

女科下

熟地

九兩

生地

三錢

山萸肉

五錢

麥冬

五錢

五味

炒一錢

阿膠

二錢

黃芩

二錢

益母

二錢

水煎服

二劑而

燥息再

二劑而

胎安連

服十劑而

胎

不再動矣

此方專填

腎中之精而

兼補肺然補肺仍

是補腎之意故腎經不乾燥則火不能灼胎焉有不

安之理乎

妊娠吐瀉腹疼四十三

妊娠上吐下瀉胎動欲墮腹疼難忍急不可緩此脾胃虛極而然也夫脾胃之氣虛則胞胎無力必有崩墜之虞況又上吐下瀉則脾與胃之氣因吐瀉而愈虛欲胞胎之無恙也得乎然胞胎疼痛而究不至下墜者何也全賴腎氣之固也胞胎繫於腎而連於心腎氣固則交於心其氣通於胞胎此胞胎之所以欲墜而不得也且腎氣能固則陰火必來生脾心氣能通則心火必來援脾胃胃雖虛而未絕則胞胎雖動而不墮可不急救其脾胃乎然脾胃當將絕而未絕之時只救脾胃而難遽生更宜補其心腎之火使之生土則兩相接續胎自固而安矣方用援土固胎湯

白木多偽
肉桂更無
佳者用者
若有真藥
固妙如無
真藥白木
以白扁豆
代之附桂
以破故紙
代之

女科

人參 一兩

白朮 二兩

山藥 炒一兩

肉桂 去粗研

製附子 五分

續斷 三錢

杜仲 炒三錢

山萸 炒一兩

三錢

兔絲子 三錢

砂仁 炒三錢

炙草 一錢

水煎服一劑而洩止二劑而諸病盡愈矣此方救脾

胃之士十之八救心腎之火十之二也救火輕於救

土者豈以土欲絕而火未甚衰乎非也蓋土崩非重

劑不能援火衰雖小劑而可助熱藥多用必有太燥

之虞不比溫甘之品也況胎動係土衰而非火弱何

用太熱妊娠忌桂附是恐傷胎豈可多用小熱之品

計之以錢大熱之品計之以分者不過用以引火而

非用以壯火也其深思哉

妊娠子懸脇疼四十四

妊婦有懷抱憂鬱以致胎動不安兩脇悶而疼痛如弓上弦人止知是子懸之病也誰知是肝氣不通乎夫養胎半係於腎水然非肝血相助則腎水實有獨力難支之勢故保胎必滋腎水而肝血斷不可不顧使肝氣不鬱則肝之氣不閉而肝之血必旺自然灌溉胞胎合腎水而並協養胎之力今肝氣因憂鬱而閉塞則胎無血蔭腎難獨任而胎安得不上升以覓食此乃鬱氣使然也莫認爲子之欲自懸而妄用泄子之品則得矣治法宜開肝氣之鬱結補肝血之燥乾則子懸自定矣方用解鬱湯

人參

一錢

白朮

五錢
土炒

白茯苓

三錢

當歸

一兩
酒洗

女科下

史如

八

方加薏仁
三四錢尤
妙

白芍

酒炒一兩

枳殼

炒五分

砂仁

炒研三錢

山梔子

炒三錢

薄荷

二錢

水煎服一劑而悶痛除二劑而子懸定至三劑而全
安去梔子再多服數劑不復發此乃平肝解鬱之聖
藥鬱開則木不尅土肝平則火不妄動方中又有健
脾開胃之品自然水精四布而肝與腎有潤澤之機
則胞胎自乾燥之患又何慮上懸之不愈哉

妊娠跌損 四十五

妊婦有失足跌損致傷胎元腹中疼痛勢如將墮者人只知是外傷之爲病也誰知有內傷之故乎凡人內無他症胎元堅固卽或跌撲閃挫依然無恙惟內之氣血素虧故畧有閃挫胎便不安若止作閃挫外傷治斷難奏功且恐有因治而反墮者可不慎與必須大補氣血而少加以行瘀之品則瘀散胎安矣但大補氣血之中又宜補血之品多於補氣之藥則無不得之方用救損

安胎湯

當歸

酒洗一兩

白芍

酒炒三錢

生地

酒炒一兩

白朮

土炒五錢

炙草

一錢

人參

一錢

蘇木

搗碎三錢

乳香

去油一錢

沒藥

去油一錢

卽用尋常白朮土炒其能理氣行血也於白朮味通

甘不能理
氣行虛用
者知之

水煎服一劑而疼痛止二劑而勢不墜矣不必三劑也此方之妙妙在既能去瘀而不傷胎又能補氣補血而不凝滯固無通利之害亦痊跌閃之傷有益無損大建奇功卽此方與然不特治懷孕之閃挫也卽無娠閃挫亦可用之

妊娠小便下血病名胎漏 四十六

妊娠有胎不動腹不疼而小便中時常有血流出者人以爲血虛胎漏也誰知氣虛不能攝血乎夫血只能蔭胎而胎中之蔭血必賴氣以衛之氣虛下陷則蔭胎之血亦隨氣而陷矣然則氣虛下陷而血未嘗虛似不應與氣同陷也不知氣乃血之衛血賴氣以固氣虛則血無憑依無憑依必燥急燥急必生邪熱血寒則靜血熱則動動則外出而莫能遏又安得不下流乎倘氣不虛而血熱則必大崩而不止些微之漏矣治法宜補其氣之不足而洩其火之有餘則血不必止而自無不止矣方用助氣補漏湯

人參 一兩

白芍

王錢
酒炒

黃芩

三錢
酒炒

黑

生地

三錢
酒炒

黑

補血不用
當歸妙以
當歸之香
味也

益母草 一錢 續斷 二錢 甘草 一錢

水煎服一劑而血止二劑再不漏矣此方用人參以
補陽氣用黃芩以洩陰火火洩則血不熱而無欲動
之機氣旺則血有依而無可漏之竅氣血俱旺而和
協自然歸經而各安其所矣又安有漏洩之患哉

妊娠子鳴四十七

妊婦懷胎至七八個月忽然兒啼腹中腰間隱隱作痛人以爲胎熱之過也誰知是氣虛之故乎夫兒之在胞胎也全憑母氣以化成母呼兒亦呼母吸兒亦吸未嘗有一刻之間斷至七八個月則母氣必虛矣兒不能隨母之氣以爲呼吸必有迫不及待之勢母子原相依爲命子失母之氣則拂子之意而啼於腹中似可異而究不必異病名子鳴氣虛甚也治宜大補其氣使母之氣與子氣和合則子之意安而啼亦息矣方用扶氣止啼湯

人參

—

黃芪

生一
用兩

麥冬

去一
心南

當歸

五錢酒洗

742

橘紅

五分

甘草

—
A

花粉

—
金

1

10

1

1

黃芪不可用前芪前芪係北口外莖蘗根

湯

女科下

妊娠

水煎服一劑而啼卽止二劑不再啼此方用人參黃
芪麥冬以補肺氣使肺氣旺則胞胎之氣亦旺胞胎
之氣旺則胞中之子氣有不隨母之氣以爲呼吸者
未之有也

妊娠腰腹疼渴汗燥狂四十八

婦人懷妊有口渴汗出大飲冷水而煩燥發狂腰腹疼
痛以致胎欲墮者人莫不謂火盛之極也抑知是何經
之火盛乎此乃胃火炎熾熬煎胞胎之水以致胞胎之
水涸胎失所養故動而不安耳夫胃爲水穀之海多氣
多血之經所以養五臟六腑者蓋萬物皆生於土土氣
厚而物始生土氣薄而物必死然土氣之所以能厚者
全賴火氣之來生也胃之能化水穀者亦賴火氣之能
化也今胃中有火宜乎生土何以火盛而反致害乎不
知無火難以生土而火多又能燬水雖土中有火土不
死然亦必有水方不燥使胃火太旺必致燬乾腎水土
中無水則自潤不足又何以分潤胞胎土燬之極火勢

原方不可
加減

妊娠懷妊
每誤有別
症不曰痰
基即云時
疾傳經而
經妊候於
不問誤服
名藥數月
不愈甚有
打去胎而
以顧大人
性命爲名
者更屬糊
塗之極

炎蒸犯心越神兒胎受逼安得不下墜乎經所謂二陽
之病發心脾者正此義也治法必須洩火滋水使水氣
得旺則火氣自平火平則汗狂燥渴自除矣方用息焚
安胎湯

生地

酒一兩

青蒿

五錢

白朮

五錢

茯苓

三錢

人參

三錢

知母

二錢

花粉

二錢

水煎服一劑而狂少平二劑而狂大定三劑而火盡
解胎亦安矣此方藥料頗重恐人慮不勝而不敢全
用又不得不再爲囑之懷胎而火勝若此非大劑何
以能燭火不息則狂不止而胎能安耶況藥料雖多
均是滋水之味益而無損勿過慮也

妊娠中惡 四十九

婦人懷子在身痰多吐涎偶遇鬼神祟惡忽然腹中疼痛胎向上頂人疑爲子懸之病也誰知是中惡而胎不安乎大凡不正之氣最易傷胎故有孕之婦斷不宜入廟燒香與僻靜陰寒之地如古洞幽岩皆不可登蓋邪祟多在神宇潛踪幽陰岩洞亦其往來遊戲之所觸之最易相犯不可不深戒也況孕婦又多痰涎眼目易眩目一眩如有妄見此招祟之因痰而起也人云怪病每起於痰其信然與治法似宜以治痰爲主然治痰必至耗氣氣虛而痰難消化胎必動搖必須補氣以生血補血以活痰再加以清痰之品則氣血不虧痰亦易化矣方用消惡安胎湯

補正通病
方極平正
如此可知
用金石之
藥以化痰
者皆奇速
立奏欲速
取效不知
貽耗人之
真氣戒之

女科

當歸

酒洗

白芍

酒炒

白朮

土炒

茯苓

五錢

人參

三錢

甘草

一錢

陳皮

五分

花粉

三錢

蘇葉

一錢

沉香

研末

此方大補氣血輔正邪自除之義也

妊娠多怒墮胎五十

婦人有懷妊之後未至成形或已成形其胎必墮人皆曰氣血衰微不能固胎也誰知是性急怒多肝火大動而不靜乎夫肝本藏血肝怒則不藏不藏則血難固蓋肝雖屬木而木中實寄龍雷之火所謂相火是也相火宜靜不宜動靜則安動則熾況木中之火又易動而難靜人生無日無動之時卽無日非動火之時大怒則火益動矣火動而不可止遏則火勢飛揚不能生氣養胎而反食氣傷精矣精傷則胎無所養勢必不墜而不已經所謂少火生氣壯火食氣正此義也治法宜平其肝中之火力利其腰臍之氣使氣生夫血而血清其火則庶幾矣方用利氣洩火湯

性急怒多
而不用舒
肝藥者以
其有胎脈
故也經云
胎病則母
病胎安則
母病自愈
所以妊婦
一門總以
補氣養血
安胎為主
則萬病自
除矣

女科

人參

三錢

白朮

一兩

甘草

一錢

熟地

五錢

九蒸

當歸

三錢

白芍

五錢

芡實

三錢

黃芩

二錢

酒炒

水煎服六十劑而胎不墜矣此方名雖利氣而實補氣也然補氣而不加以洩火之品則氣旺而火不能平必反害其氣也故加黃芩於補氣之中以洩火又有熟地歸芍以滋肝而壯水之主則血不燥而氣得和怒氣息而火自平不必利氣而氣無不利即無往而不利矣

行房小產

五十一

妊婦因行房顛狂遂致小產血崩不止人以爲火動之極也誰知是氣脫之故乎大凡婦人之懷妊也賴腎水以蔭胎水源不足則火易沸騰加以久戰不已則火必大動再至興酣顛狂精必大洩精大洩則腎水益涸而龍雷相火益熾水火兩病胎不能固而墮矣胎墮而火猶未息故血隨火而崩下有不可止遏之勢人謂火動之極亦未爲大誤也但血崩本於氣虛火盛本於水虧腎水既虧則氣之生源涸矣氣源既涸而氣有不脫者乎此火動是標而氣脫是本也經云治病必求其本本固而標自立矣若只以止血爲主而不急固其氣則氣散不能速回而血何由止不大補其精則水涸不能遽

長而火且益熾不揣其本而齊其末山未見有能濟者也方用固氣填精湯

人參

一兩

黃芪

一兩

白朮

五錢

大熟地

一兩

當歸

五錢

三七

三錢

研末

沖

芥穗

二錢

炒黑

水煎服一劑而血止二劑而身安四劑則全愈此方之妙妙在不去清火而惟補氣補精其奏功獨神者以諸藥溫潤能除大熱也蓋熱是虛故補氣自能攝血補精自能止血意在本也

小產血崩
多由行房
而致若年
適四十參
其宜倍用
熟地宜減
半用以其
氣虛火衰
也否則每
令氣脫不
救凡有妊
娠者須忍
寒涼藥房
宜為勿忌
之

跌閃小產 五十二

妊婦有跌扑閃挫遂致小產血流紫塊昏暈欲絕者人皆曰瘀血作祟也誰知是血室損傷乎夫血室與胞胎相連如唇齒之相依胞胎有傷則血室亦損唇亡齒寒理有必然也然胞胎傷損而流血者其傷淺血室傷損而流血者其傷深傷之淺者疼在腹傷之深者暈在心同一跌扑損傷而未小產與已小產治各不同未小產而胎不安者宜顧其胎而不可輕去其血已小產而血大崩宜散其瘀而不可重傷其氣蓋胎已墮血既脫而血室空虛惟氣存耳倘或再傷其氣安保無氣脫之憂乎經云血爲營氣爲衛使衛有不固則營無依而安矣故必補氣以生血新血生而瘀血自散矣方用理氣散

瘀湯

人參 一兩 黃芪 一兩 當歸 五錢 扶苓 三錢

紅花 一錢 丹皮 三錢 薑炭 五錢

胎未墮宜加杜仲炒炭一錢續錢若胎已墮服原方血崩不止加黃炭三錢若血閉心驚加元胡炭一錢

水煎服一劑而流血止二劑而昏暈除三劑而全安矣此方用人參黃芪以補氣氣旺則血可攝也用當歸丹皮以生血血生則瘀難留也用紅花黑薑以活血血活則暈可除也用茯苓以利水水利則血易歸經也

大便乾結小產 五十三

妊婦有口渴煩燥舌上生瘡兩唇腫裂大便乾結數日不得通以致腹疼小產者人皆曰大腸之火熱也誰知是血熱燥胎乎夫血所以養胎也溫和則胎受其益太熱則胎受其損如其熱久燥之則兒在胞胎之中若有探湯之苦難以存活則必外越下奔以避炎氣之逼迫欲其胎之不墜也得乎然則血蔭乎胎則血必虛耗血者陰也虛則陽亢亢則害矣且血乃陰水所化血日蔭胎取給刻不容緩而火熾陰水不能速生以化血所以陰虛火動陰中無非火氣血中亦無非火氣矣兩火相合焚逼兒胎此胎之所以下墜也治法宜清胞中之火補腎中之精則可已矣或疑兒已下墜何故再顧其胞

此方加條
苓二錢尤
妙

血不蔭胎何必大補其水殊不知火動之極以致胎墜
則胞中純是一團火氣此火乃虛火也實火可洩而虛
火宜於補中清之則虛火易散而真火可生倘一味清
涼以降火全不顧胞胎之虛實勢必至寒氣逼人胃中
生氣蕭索矣胃乃二陽資養五臟者也胃陽不生何以
化精微以生陰水平有不變爲勞瘵者幾希矣方用加
減四物湯

熟地

五錢

白芍

三錢

當歸

一兩

川芎

一錢

山梔子

一錢

山萸

二錢

山藥

二錢

丹皮

三錢

水煎服四五劑而愈矣

丹皮性極涼血產後用之最防陰凝之害慎之

畏寒腹疼小產 五十四

妊婦有畏寒腹疼因而墮胎者人只知下部太寒也誰知是氣虛不能攝胎乎夫人生於火亦養於火非氣不充氣旺則火旺氣衰則火衰人之所以坐胎者受父母先天之真火也先天之真火卽先天之真氣以成之故胎成於氣亦攝於氣氣旺則胎牢氣衰則胎墮胎日加長而氣日加衰安得不墮哉況又遇寒氣外侵則內之火氣更微火氣微則長養無資此胎之不能不墮也使當其腹疼之時卽用人參乾薑之類補氣祛寒則可以疼止而胎安無如人拘於妊娠之藥禁而不敢用因致墮胎而僅存幾微之氣不急救氣尙有何法方用黃芪補氣湯

肉桂須用
好的如無
佳者用使
姜代之或
一錢二錢
皆可不可
祇用五分

黃芪

二兩

生用

當歸

酒洗

肉桂

五分

去粗皮

研

水煎服五劑愈矣倘認定是寒大用辛熱全不補熱
與血恐過於燥熱反致亡陽而變危矣

大怒小產

五十五

妊婦有大怒之後忽然腹疼吐血因而墮胎及墮胎之後腹疼仍未止者人以爲肝之怒火未退也誰知是血不歸經而然乎夫肝所以藏血者也大怒則血不能藏宜失血而不當墮胎何爲失血而胎亦隨墮乎不知肝性最急血門不閉其血直搗於胞胎胞胎之系通於心腎之間肝血來冲必斷絕心腎之路胎因心腎之路斷胞胎失水火之養所以墮也胎既墮矣而腹疼如故者蓋因心腎未接欲續無計彼此痛傷肝氣欲歸於心而心不受欲歸於腎而腎不納故血猶未靜而疼無已也治法宜引肝之血仍入於肝而腹疼自己矣然徒引肝之血而不平肝之氣則氣逆而不易轉卽血逆而不易

歸也方用引氣歸血湯

白芍

五錢酒炒

當歸

五錢酒洗

白朮

三錢土炒

甘草

一錢

黑芥穗

三錢

丹皮

三錢

薑炭

五分

香附

五分酒炒

麥冬

三錢去心

鬱金

一錢醋炒

水煎服此方名爲引氣其實仍是引血也引血亦所以引氣氣歸於肝之中血亦歸於肝之內氣血兩歸而腹疼自止矣

產後忌用白芍因其酸寒也胎前後用白芍五錢惟上元生人可若下元生人萬不可用必不得已而用之將白芍炒炭用三錢可也餘藥如法製

血虛難產 五十六

妊娠有腹疼數日不能生產人皆曰氣虛力弱不能送子出產門誰知是血虛膠滯胞中無血兒難轉身乎夫胎之成成於腎臟之精而胎之養養於五臟六腑之血故血旺則子易生血衰則子難產所以臨產之前宜用補血之藥補血而血不能遽生必更兼補氣以生之然不可純補其氣也恐陽過於旺則血仍不足偏勝之害必有升而無降亦難產之漸也防微杜漸其惟氣血兼補乎使氣血並旺則氣能推送而血足以濟之是汪洋之中自不難轉身也又何有膠滯之患乎方用送子丹

生黃芪

一兩

當歸

一兩

洗麥冬

一兩

熟地

五錢

川芎

三錢

方妙苦頭
產交骨不
開加炙龜
板尾三錢

生過子婦
人頂心髮
三錢洗淨
用新瓦一
塊置火上
焙髮成灰
入藥同煎
服下卽效

水煎服二劑而生矣且無橫生倒產之患此補血補
氣之藥也二者相較補血之味多於補氣之品蓋補
氣止用黃芪一味其餘無非補血之品血旺氣得所
養氣生血得所依胞胎潤澤自然易產譬如舟遇水
淺之處雖大用人力終難推行忽逢春水泛濫舟自
躍躍欲行再得順風以送之有不揚帆而迅行者乎

交骨不開難產 五十七

妊婦有兒到產門竟不能下此危急存亡之時也人以爲胞胎先破水乾不能滑利也誰知是交骨不開之故乎蓋產門之上原有骨二塊兩相關合名曰交骨未產之前其骨自合若天衣之無縫臨產之際其骨自開如開門之見山婦人兒門之肉原自斜生皮亦橫長實可寬可窄可大可小者也苟非交骨連絡則兒門必然大開可以手入採取胞胎矣此交骨爲兒門之下關實婦人鎖鑰之鍵此骨不開則腸可直下此骨不開則兒難降生然而交骨之能開能合者氣血主之也血旺而氣衰則兒雖向下而兒門不開氣旺而血衰則兒門可開而兒難向下是氣所以開交骨血所以轉兒身也欲生

產之順利非大補氣血不可然交骨之閉甚易而交骨之開甚難臨產交骨不開者多由於產前貪慾洩精大甚精洩則氣血失生化之本而大虧矣氣血虧則無以運潤於兒門而交骨粘滯不開矣故欲交骨之開必須於補氣補血之中而加開骨之品兩相合治自無不開之患不必催生而兒自迅下母子俱無恙矣方用降子湯

當歸 一兩 人參 五錢 川芎 五錢 紅花 一錢

川牛膝 三錢 柞木枝 一兩

水煎服一劑兒門必响亮一聲交骨開解而兒乃降生矣此方用人參以補氣芎歸以補血柞木枝以活血牛膝以降下柞木枝以開關解骨君臣佐使同心協

方爲子已
臨門救急
而設若子
未臨門血
虛難產宜
服前送子
丹不可過
服此方

力所以取效如神在用開於補之中也然單用柞木
枝亦能開骨但不補氣與血恐開而難合未免有下
部中風之患不若此方之能開能合之爲神妙也至
於兒未臨門之時萬不可先用柞木以開其門然用
降子湯亦正無妨以其能補氣血耳若欲單用柞木
必須候到門而後可

腳手先下難產 五十八

妊婦生產之際有腳先下而兒不得下者有手先下而兒不得下者人以爲橫生倒產至危之症也誰知是氣血兩虛之故乎夫兒在胞胎之中兒身正坐男面向後女面向前及至生時頭必旋轉而向下生此天地造化之奇非人力所能勉強者雖然先天與後天原並行而不悖天機之動必得人力以濟之所謂人力者非產母用力之謂也謂產母之氣與血耳產母之氣血足則胎必順產母之氣血虧則胎必逆順則易生逆則難產氣血既虧母身必弱子在胞中亦必弱胎弱無力欲轉頭向下而不能此胎之所以有腳手先下者也當是之急用針刺兒之手足則兒必痛而縮入急用轉天湯以

若服三劑
後以針刺
兒手足仍
不轉身以
針刺產婦
合骨穴兒
卽下萬不
可使惡婆
用手探取
以致子母
俱危戒之

救順之

人參

二兩

當歸

二兩

川芎

一兩

川牛膝

三錢

升麻

四分

附子

一分

水煎服一劑而兒轉身矣再二劑自然順生此方之妙用人參以補氣之虧用芎歸以補血之虧人人皆知其義若用升麻又用牛膝附子恐人未識其妙也蓋兒已身斜非用提挈則頭不易轉然轉其身非用下行則身不易降升麻牛膝並用而又用附子者欲其無經不達使氣血迅速以催生也

氣逆難產 五十九

凡臨產三日
前必小
腹痛一試
次名曰萬
痛此時萬
勿坐草臨
盆但將包
兒諸物預
備現成不
可早叫穩
婆來過三
日後腹若

婦人有生產數日而胎不下者服催生之藥皆不見效
人以爲交骨之難開也誰知是氣逆不行而然乎夫交
骨不開固是難產然兒頭到產門而不能下者方是交
骨不開之故自當用開骨之劑若兒頭尚未到產門乃
氣逆不行兒身難轉非交骨不開之故也若開其交骨
則兒門大開兒頭未轉而向下必致變症非常是兒門
萬萬不可輕開也大凡生產之時切忌坐草太早若兒
未轉頭原難驟生乃早於坐草產婦見兒許久不下未
免心懷恐懼恐則神怯怯則氣下而不能升氣既不升
則上焦閉塞而氣乃逆矣上氣既逆而上焦必脹滿而
氣益難行氣沮滯於上下之間不利氣而徒催生則氣

大局方叫
總婆來不
可令產婦
見面暫護
別室靜待
不可高言
蓋秘婆名
曰收生使
其兩手接
收不欲見
墮地受傷
非穩要別
有妙法也
若穩婆來
之即令產
婦見面彼
必胡言亂
語用力太
早必致難
產百變最
生感之慎
之

愈逆而胎愈閉矣治法但利其氣兒自轉身而下矣方
用舒氣散

人參

一兩

當歸

一兩

酒洗川芎

五錢

白芍

五錢

酒炒

紫蘇梗

三錢

牛膝

二錢

陳皮

一錢

柴胡

八分

葱白七寸水煎服一劑而逆氣轉兒卽下矣此方利
氣而實補氣蓋氣逆由於氣虛氣虛易於恐懼補其
氣而恐懼自定恐懼定而氣逆者將莫知其何以定
也何必開交骨之多事乎哉

子死產門難產 六十

婦人有生產三四日兒已到產門交骨不開兒不得下
子死而母未亡者服開骨之藥不驗當有死亡之危今
幸而不死者正因其子死而胞胎下墜子母離開母氣
已收未至同子氣俱絕也治但救其母而不必顧其子
矣然死子在產門塞其下口有致母死之患宜用推送
之法補血以生水補氣以生血使氣血兩旺死子可出
而存母命也倘徒用降子之劑以墜之則死子未必下
而母氣先脫矣非救援之善者也山親見此等之症常
用救母丹活人頗多故誌之

人參

兩

當歸

二兩

川芎

一兩

益母草

一兩

赤石脂

一錢

芥穗

三錢

黑

方妙不可
加減

水煎服一劑而死子下矣此方用芎歸以補血人參以補氣氣旺血旺則上能升而下能降氣能推而血能送況益母又善下死胎石脂能下瘀血自然一湧而出無少阻滯矣

子死腹中難產六十一

婦人有生產六七日胞衣已破而子不見下人以爲難產之故也誰知是子已死於腹中乎夫兒死於兒門之邊易辨而死於腹中難識蓋兒已到產門之邊未死者頭必能伸能縮已死者必然不動卽以手推之亦必不動如故若係未死用手少拔其兒之髮兒必退入故曰易辨若兒死在腹中何從而知之然實有可辨而知之者凡子死腹中而母可救者產母之面必無煤黑之氣是子死而母無死氣也子死腹中而母難救產母之面必有烟燼之氣是子死而母亦無生機也以此辨死生斷斷不爽也旣知兒死腹中不能用藥以降之危道也若用霸道以洩之亦危道也蓋生產至六七日其母之

下死胎不
用厚樸炒
會育產婦
面黑舌青
用補氣養
血活血之
藥而于母
復得全
者亦萬中
之一幸也

氣必甚困乏烏能勝霸道之治如用霸道以強逐其死
子恐死子下而母亦立亡矣必須仍補其母使母之氣
血旺而死子自下也方用療兒散

人參

一兩

當歸酒洗二兩

川牛膝

五錢

鬼臼

三錢

研水飛

乳香

二錢
去油

小煎服一劑死子下而母生矣凡兒之降生必先轉
其頭原因其母氣血之虛以致兒不能轉頭以向下
世人用催生之藥以耗兒之氣血則兒之氣不能通
達反致閉悶而死於腹中此實庸醫殺之也所以難
產之疾斷斷不可用催生之藥只宜補氣補血以壯
其母而全活嬰兒之命正無窮也此方救兒死之母
仍大補氣血所以救其本也誰知救本即所以催生

哉

正產胞衣不下 六十二

產婦有兒已下地而胞衣留滯於腹中二三日不下心煩意燥時欲昏暈人以爲胞衣之蒂未斷也誰知是血少乾枯粘連於腹中乎世人見胞衣不下未免心懷疑懼恐其冲之於心而有死亡之兆然而胞衣究何能上冲於心也但胞衣不下瘀血未免難行恐有血暈之虞耳治法仍宜大補其氣血使生血以送胞衣則胎衣自然潤滑潤滑則易下生氣以助生血則血生自然迅速尤易催墮也方用送胞湯

當歸

二兩酒洗

川芎

五錢

益母草

一兩

乳香

一兩

不去油

沒藥

一兩

芥穗

三錢

麝香

五釐

研另冲

水煎服立下此方以芎歸補其氣血以荊芥引血歸

經用益母乳香等藥逐瘀而下胞衣新血既生則舊血難存氣旺上升而瘀濁自降尚有留滯之苦哉夫胞衣是包兒之一物非依於子卽依於母子生而不隨子俱下以子之不可依也故留滯於腹若有回順其母之心母胞雖已生子而其蒂間之氣原未遽絕所以留連欲脫而未脫往往有存腹六七日不下而竟不腐爛者正以其尚有生氣也可見胞衣留腹不能殺人補之而自降耳或謂胞衣既有生氣補氣補血則胞衣亦宜堅牢何以補之而反降也不知子未下補則益於子子已下補則益於母益子而胞衣之氣連益母而胞衣之氣脫此胞胎之氣關通則兩合閉則兩開矣故大補氣血而胞衣反降也

有婦人子下地五六日而胞衣留於腹中百計治之竟不能下而又絕無昏暈煩燥之狀人以爲瘀血之粘連也誰知是氣虛不能推送乎夫瘀血在腹斷無不作祟之理有則必然發暈今安然無恙是血已淨矣血淨宜清氣升而濁氣降今胞衣不下是清氣下降而難升遂至濁氣上浮而難降然濁氣上升又必有煩燥之病今亦安然者是清濁之氣兩不能升也然則補其氣不無濁氣之上升乎不知清升而濁降者一定之理未有清升而濁亦升者也苟能於補氣之中仍分其清濁之氣則升清正所以降濁也方用補中益氣湯

人參 三錢

生黃芪 一兩

柴胡 三分

炙草 一分

當歸 五錢

白朮 五錢

升麻 三分

陳皮 二分

萊菔子

五分
炒研

水煎服一劑而胞衣自下矣夫補中益氣湯乃提氣之藥也並非推送之劑何以能降胞衣如此之速也然而濁氣之不降者由於清氣之不升也提其氣則清升而濁降濁氣降則腹中所存之物卽無不隨濁氣而盡降正不必再用推送之法也況又加萊菔子數分能理濁氣不至兩相扞格所以奏功之奇也

正產氣虛血暈 六十三

婦人甫產兒後忽然眼目昏花嘔惡欲吐中心無主或神魂外越恍若天上行雲人以爲惡血冲心之患也誰知是氣虛欲脫而然乎蓋新產之婦血必盡傾血室空虛止存幾微之氣倘其人陽氣素虛不能生血心中之血前已蔭胎胎墮而心中之血亦隨胎而俱墮心無血養所賴者幾微之氣以固之耳今氣又虛而欲脫而君心無護所剩殘血欲奔回救主而血非正血不能歸經內庭變亂而成血暈之症矣治法必須大補氣血斷不可單治血暈也或疑血暈是熱血上冲而更補其血不愈助其上冲之勢乎不知新血不生舊血不散補血以生新血正活血以逐舊血也然血有形之物難以速生

原方極淡
不可加減

氣乃無形之物易於迅發補氣以生血尤易於補血以
生血耳方用補氣解暈湯

人參一兩

生黃芪一兩

當歸一兩

洗黑芥穗三錢

薑炭一錢

水煎服一劑而暈止二劑而心定三劑而血生四劑
而血旺再不暈矣此乃解暈之聖藥用參芪以補氣
使氣壯而生血也用當歸以補血使血旺而養氣也
氣血兩旺而心自定矣用荆芥炭引血歸經用薑炭
以行瘀引陽瘀血去而正血歸不必解暈而暈自解
矣一方之中藥止五味而其奏功之奇而大如此其
神矣乎

正產血暈不語 六十四

產婦有子方下地卽昏暈不語此氣血兩脫也本在不救然救之得法亦有能生者山得岐天師秘訣何敢隱而不宣乎當斯之時急用銀針刺其眉心得血出則語矣然後以人參一兩煎湯灌之無不生者卽用黃芪二兩當歸一兩名當歸補血湯煎湯一碗灌之亦得生萬不可於二方之中輕加附子蓋附子無經不達反引氣血之藥走而不守不能專注於胞胎不若人參歸芪直救其氣血之絕聚而不散也蓋產婦昏暈全是血室空虛無以養心以致昏暈舌爲心之苗心旣無主而舌又安能出聲耶夫眉心之穴上通於腦下通於舌而其系則連於心刺其眉心則腦與舌俱通而心之清氣上升

則瘀血自然下降矣然後以參芪當歸之能補氣生血者煎湯灌之則氣與血接續又何至於死亡乎雖單用參芪當歸亦有能生者然終不若先刺眉心之爲更妙世人但知灸眉心之法不知刺更勝於灸蓋灸法緩而刺法急緩則難於救絕急則易於回生所謂急則治其標緩則治其本者此也

正產敗血攻心暈狂 六十五

婦人有產後二三日發熱惡露不行敗血攻心狂言呼
叫甚欲奔走拏提不定人以爲邪熱在胃之過誰知是
血虛心不得養而然乎夫產後之血盡隨胞胎而外越
則血室空虛臟腑皆無血養只有心中之血尙存幾微
以護心君而臟腑失其所養皆欲取給於心心包爲心
君之宰相攔絕各臟腑之氣不許入心始得心神安靜
是護心者全藉心包之力也使心包亦虛不能障心而
各臟腑之氣遂直入於心以分取乎心血心包情急既
不能內顧其君又不能外禦乎眾於是大聲疾呼號鳴
勤王而其迹象反近於狂悖有無可如何之勢故病狀
似熱而實非熱也治法須大補心中之血使各臟腑分

服藥後正
定宜服加
味生化湯
當歸酒洗
一兩一錢
川芎三錢
黃芩錢半
枳實錢半
炒炭一錢
丹皮錢半
服四劑妙

取以自養不得再擾乎心君則心君泰然而心包亦安矣方用安心湯

當歸

二兩

川芎

一兩

生地

五錢

丹皮

五錢

生蒲黃

二錢

乾荷葉一片引水煎服一劑而狂定惡露亦下矣此方用芎歸以養血何以又用生地丹皮之涼血似非產後所宜不知惡露所以奔心原因虛熱相犯於補中涼之而涼不爲害況益之以荷葉七竅相通引邪外出不惟內不害心且佐蒲黃以分解乎惡露也但只可暫用以定狂不可多用以取咎也謹之慎之

正產腸下六十六

產婦腸下亦危症也人以爲兒門不關之故誰知是氣虛下陷而不能收乎夫氣虛下陷自宜用升提之藥以提其氣然新產之婦恐有瘀血在腹一旦提氣並瘀血升騰於上則沖心之患又恐變出非常是氣又不可竟提也氣既不可竟提而氣又下陷將用何法以治之哉蓋氣之下陷者因氣之虛也但補其氣則氣旺而腸自升舉矣惟是補氣之藥少則氣力薄而難以上升必須以多爲貴則陽旺力強斷不能降而不升矣方用補氣升腸飲

人參

去蘆一兩

生黃芪

一兩

當歸

一兩

白朮

五錢

川芎

三錢

升麻

一分

酒洗

升麻

酒洗

白朮

土炒

升麻

酒洗

升麻

生下有子
未下者名
下者名
腸生勿遠
服此方急
取一淨盆
用開水洗
熱利腸管
於盆內靜
待勿攪

下後腸即
徐徐收回
若時久盆
與腸俱冷
不能速收
急用開水
一盆待溫
以入得手
盆度將溫
水傾於置
腸盆內腸
熱氣充即
可收起矣
若子先下
急服此方
少延恐氣
脫不救

水煎服一劑而腸升矣此方純於補氣全不去升腸
即如用升麻一分亦不過引氣而升耳蓋升麻之爲
用少則氣升多則血升也不可不知又方用萆麻仁
四十九粒搗塗頂心以提之腸升即刻洗去時久則
恐吐血此亦升腸之一法也

產後少腹疼 六十七

婦人產後少腹疼痛甚則結成一塊按之愈疼人以爲
兒枕之疼也誰知是瘀血作祟乎夫兒枕者前人謂兒
頭枕之物也兒枕之不疼豈兒生不枕而反疼是非兒
枕可知矣既非兒枕何故作疼乃是瘀血未散結作成
團而作疼耳凡此等症多是壯健之婦血有餘而非血
不足也似乎可用破血之藥然血活則瘀自除血結則
瘀作祟若不補血而反敗血雖瘀血可消畢竟耗損難
免不若於補血之中以行逐瘀之法則氣血不耗而瘀
亦盡消矣方用散結定疼湯

當歸酒

一兩川芎

五錢

丹皮

炒二錢

益母草

三錢

黑芥穗

二錢

乳香

一錢

山查

炒十粒

黑桃仁

七粒

泡去皮尖炒研

加減不必

前後二方

水煎服一劑而疼止而愈不必再劑也此方逐瘀於
補血之中消塊於生血之內妙在不專攻疼痛而疼
病止彼世人一見兒枕之疼動用元胡蘇木蒲黃靈
脂之類以化塊又何足論哉

婦人產後少腹疼痛按之即止人亦以爲兒枕之疼也
誰知是血虛而然乎夫產後亡血過多血室空虛原能
腹疼十婦九然但疼有虛實之分不可不辨如燥糖觸
體光景是虛疼而非實疼也大凡虛疼宜補而產後之
虛疼尤宜補焉惟是血虛之疼必須用補血之藥而補
血之味多是潤滑之品恐與大腸不無相碍然產後血
虛腸多乾燥潤滑正相宜也何碍之有方用腸寧湯

當歸

酒洗

熟地

九蒸

人參

三錢

麥冬

三錢

去心

阿膠

三錢
蛤粉炒

山藥

三錢
炒

續斷

二錢

甘草

一錢

肉桂

二分
去粗研

水煎服一劑而疼輕二劑而疼止多服更宜此方補氣補血之藥也然補氣而無太鬱之憂補血而無太滯之患氣血既生不必止疼而疼自止矣

產後氣喘六十八

婦人產後氣喘最是大危之症苟不急治立刻死亡人只知是氣血之虛也誰知是氣血兩脫乎夫既氣血兩脫人將立死何又能作喘然此血將脫而氣猶未脫也血將脫而氣欲挽之而反上喘如人救溺援之而力不勝又不肯自安於不救乃召號同志以求助故呼聲而喘作其症雖危而可救處正在能作喘也蓋肺主氣喘則肺氣似盛而實衰當是之時血將脫而萬難驟生望肺氣之相救甚急若赤子之望慈母然而肺因血失止存幾微之氣自顧尚且不暇又何能提挈乎血氣不與血俱脫者幾希矣是救血必須補氣也方用救脫活母湯

方妙不可
加減

人參

二兩

當歸

一兩

熟地

一兩

蒸

枸杞子

五錢

山黃

五錢

蒸去核

麥冬

一兩

去心

阿膠

二錢

蛤粉炒

肉桂

一錢

黑芥穗

二錢

水煎服一劑而喘輕二劑而喘減三劑而喘定四劑而全愈矣此方用人參以接續元陽然徒補其氣而不補其血則陽燥而狂雖回生於一時亦旋得旋失之道即補血而不補其肝腎之精則本原不固陽氣又安得而續乎所以又用熟地山黃枸杞之類以大補其肝腎之精而後大益其肺氣則肺氣健旺升提有力矣特慮新產之後用補陰之藥膩滯不行又加肉桂以補命門之火使火氣有根助人參以生氣且能運化地黃之類以化精生血若過於助陽萬一血

隨陽動瘀而上行亦非保全之策更加荊芥以引血
歸經則肺氣安而喘速定治幾其神乎

產後惡寒身顫六十九

婦人產後惡寒惡心身體顫發熱作渴人以爲產後傷寒也誰知是氣血兩虛正不敵邪而然乎大凡人之氣不虛則邪斷難入產婦失血既多則氣必大虛氣虛則皮毛無衛邪原易入正不必戶外之風來襲體也卽一舉一動風卽可乘虛而入之然產後之婦風易入而亦易出凡有外邪之感俱不必祛風況產婦之惡寒者寒由內生也發熱者熱由內弱也身顫者顫由氣虛也治其內寒而外寒自散治其內弱而外熱自解壯其元陽而身顫自除方用十全大補湯

人參 三錢

白朮

三錢

茯苓

三錢

甘草

一錢

川芎

一錢

當歸

三錢

熟地

五錢

白芍

二錢

宜連服數劑不可只服一劑

黃芪

生用一兩

肉桂

一錢

去粗研

水煎服一劑而諸病悉愈此方但補氣與血之虛而
不去散風與邪之實正以正足而邪自除也況原無
邪氣乎所以奏功之捷也

產後惡心嘔吐七十

婦人產後惡心欲嘔時而作吐人皆曰胃氣之寒也誰知是腎氣之寒乎夫胃爲腎之關胃之氣寒則胃氣不能行於腎之中腎之氣寒則腎氣亦不能行於胃之內是腎與胃不可分而兩之也惟是產後失血過多必致腎水乾涸腎水涸應腎火上炎當不至胃有寒冷之虞何故腎寒而胃亦寒乎蓋新產之餘水乃遽然涸去虛火尙不能生火既不生而寒之象自現治法宜補其腎中之火然火無水濟則火在水上未必不成火動陰虛之症必須於水中補火腎中溫胃而後腎無太熱之患胃有既濟之歡也方用溫腎止嘔湯

熟地

五錢
九蒸

巴戟

一兩
鹽水浸

人參

三錢

白朮

一兩
土炒

山萸

五錢
蒸去核

炮薑

一錢

茯苓

二錢
去皮

白冠

一錢
研

橘紅

五分
薑汁洗

水煎服一劑而嘔吐止二劑而不再發四劑而全愈

矣此方補腎之藥多於治胃之品然而治腎仍是治

胃也所以腎氣升騰而胃寒自解不必用大熱之劑

溫胃而祛寒也

服此方必
待惡露盡
後始服
內惡心欲
嘔乃忌露
上衝宜服
加味生化
湯全當歸
一兩酒洗
川芎二錢
炮薑一錢
東查炭二
錢桃仁一
錢研用無
灰黃酒一
鍾水三鍾
同煎

產後血崩 七十一

亦有中氣
素虛產後
不止血崩
隨之而脫
此至危之
證也常不
能者八九
惟用獨參
湯尚可救

少婦產後半月血崩昏暈目見鬼神人皆曰惡血冲心也誰知是不慎房幃之過乎夫產後業踰半月雖不比初產之二三日而氣血初生尚未全復卽血路已淨而胞胎之損傷未痊斷不可輕於一試以重傷其門戶無奈少嬌之婦氣血初復不知慎養慾心大動貪合圖歡以致血崩昏暈目見鬼神是心腎兩傷不特胞胎門戶已也明明是既犯色戒又加酣戰以致大洩其精精洩而神亦隨之而欲脫此等之症乃自作之孽多不可活然於不可活之中而思一急救之法舍大補其氣與血別無良法也方用救敗求生湯

人參

二兩

當歸

三兩

白朮

二兩

九蒸熟地

一兩

活一二遼
人參去蘆
五錢打碎
急煎連則
氣脫不及
待矣煎成
徐徐灌之
待氣回再
煎一服灌
之其餘治
法參看血
崩門但產
後不可用
抗荷炭以
及諸涼藥
然此證皆
係臨產一
二日前人
房久戰所
致戒之

山萸

五錢

山藥

五錢

棗仁

五錢

附子

一分或一錢

自製

一錢

水煎服一劑而神定二劑而暈止三劑而血亦止矣
倘一服見效連服三四劑減去一半再服十劑可慶
更生此方補氣以回元陽於無何有之鄉陽回而氣
回自可攝血以歸神生精而續命矣

產後手傷胞胎淋漓不止七十二

婦人有生產之時被穩婆手入產門損傷胞胎因而淋漓不止欲少忍須臾而不能人謂胞破不能再補也孰知不然夫破傷皮膚尚可完補豈破在腹內者獨不可治療或謂破在外可用藥外治以生皮膚破在內雖有靈膏無可救補然破之在內者外治雖無可施力安必內治不可奏功乎試思瘡傷之毒大有缺陷尚可服藥以生肌肉此不過收生不謹小有所損並無惡毒何難補其缺陷也方用完胞飲

人參

一兩

白朮

十兩

茯苓

三錢

生黃芪

五錢

當歸

一兩

川芎

五錢

桃仁

十粒

紅花

一錢

益母草

三錢

白芨末

一錢

胞破諸書
單方多然
妙不如之

用豬羊胞一個先煎湯後煎藥飢服十劑全愈夫胞損宜用補胞之藥何以反用補氣血之藥也蓋生產本不可手探試而穩婆竟以手探胞胎以致傷損則難產必矣難產者因氣血之虛也產後大傷氣血是虛而又虛矣因虛而損復因損而更虛若不補其氣與血而胞胎之破何以奏功乎今之大補其氣血者不啻飢而與之食渴而與之飲也則精神大長氣血再造而胞胎何難補完乎所以旬日之內便成功也

產後四肢浮腫七十三

產後四肢浮腫寒熱往來氣喘咳嗽胸膈不利口吐酸水兩脇疼痛人皆曰敗血流於經絡滲於四肢以致氣逆也誰知是肝腎兩虛陰不得出之陽乎夫產後之婦氣血大虧自然腎水不足腎火沸騰然水不足則不能養肝而肝木大燥木中乏津木燥火發腎火有黨子母兩焚火焰直冲而上尅肺金金受火刑力難制肝而咳嗽喘滿之病生焉肝火既旺而下尅脾土土受木刑力難制水而四肢浮腫之病出焉然而肝木之火旺乃假象而非真旺也假旺之氣若盛而實不足故時而熱時而寒往來無定乃隨氣之盛衰以爲寒熱而寒非真寒熱亦非真熱是以氣逆於胸膈之間而不舒耳兩脇者

肝之部位也酸者肝之氣味也吐酸脇疼痛皆肝虛而腎不能榮之象也治法宜補血以養肝補精以生血精血足而氣自順而寒熱咳嗽浮腫之病悉退矣方用轉氣湯

人參

三錢

茯苓

三錢

白朮

三錢

當歸

五錢

白芍

五錢

熟地

一兩

山萸

三錢

山藥

五錢

芡實

三錢

故紙

一錢

柴胡

五分

水煎服三劑效十劑痊此方皆是補血補精之品何以名爲轉氣耶不知氣逆由於氣虛乃是肝腎之氣虛也補肝腎之精血卽所以補肝腎之氣也蓋虛則逆旺則順是補卽轉也氣轉而各症盡愈陰出之陽則陰陽無扞格之虞矣

方妙不可
加減白芍
宜炒炭用

產後肉線出

七十四

婦人有產後水道中出肉線一條長二三尺動之則疼痛欲絕人以爲胞胎之下墜也誰知是帶脉之虛脫乎夫帶脉束於任督之間任脉前而督脉後二脉有力則帶脉堅牢二脉無力則帶脉崩墜產後亡血過多無血以養任督而帶脉崩墜力難升舉故隨溺而隨下也帶脉下垂每每作痛於腰臍之間況下墜者而出於產門之外其失於關鍵也更甚安得不疼痛欲絕乎方用兩收湯

此方凡腎虛腰痛遺尿皆可治甚勿輕忽

人參

一兩

白朮

二兩

川芎

三錢

九蒸熟地

二兩

山藥

一兩

山萸

四錢

芡實

五錢

扁豆

五錢

巴戟

二錢

杜仲

五錢

白果

十枚

搗碎

水浸

水煎服一劑而收半二劑而全收矣此方補任督而仍補腰膈者蓋以任督連於腰膈也補任督而不補腰膈則任督無助而帶脉何以升舉惟兩補之則任督得腰膈之助帶脉亦得任督之力而收矣

產後肝痿 七十五

婦人產後陰戶中垂下一物其形如帕或有角或二岐人以爲產頰也誰知是肝痿之故乎夫產後何以成肝痿也蓋因產前勞役過傷又觸動怪怒以致肝不藏血血亡過多故肝之脂膜隨血崩墜其形似子宮而實非子宮也若是子宮之下墜狀如茄子只到產門而不能越出於產門之外惟肝之脂膜往往出產門外者至六七寸許且有粘席乾落一片如手掌大者如是子宮墜落人立死矣又安得而復生乎治法宜大補其氣與血而少加升提之品則肝氣旺而易生肝血旺而易養肝得生養之力而脂膜自收方用收膜湯

生黃芪

一兩

人參

五錢

白朮

五錢

白芍

五錢

酒炒焦

收肝膜全
賴白芍之
功不可用
炭

當歸

三錢
酒洗

升麻

一錢

水煎服一劑卽收矣或疑產後禁用白芍恐伐生氣之原何以頻用之而奏功也是未讀仲景之書者嗟乎白芍之在產後不可頻用者恐其收斂乎瘀也而謂伐生氣之源則誤矣況病之在肝者尤不可以不用且用之於大補氣血之中在芍藥亦忘其爲酸收矣又何能少有作祟者乎矧脂膜下墜正藉酸收之力助升麻以提升氣血所以奏功之捷也

產後氣血兩虛乳汁不下 七十六

婦人產後絕無點滴之乳人以爲乳管之閉也誰知是氣與血之兩涸乎夫乳乃氣血之所化而成也無血固不能生乳汁無氣亦不能生乳汁然二者之中血之化乳又不若氣之所化爲尤速新產之婦血已大虧血本自顧不暇又何能以化乳乳全賴氣之力以行血而化之也今產後數日而乳不下點滴之汁其血少氣衰可知氣旺則乳汁旺氣衰則乳汁衰氣涸則乳汁亦涸必然之勢也世人不知大補氣血之妙而一味通乳豈知無氣則乳無以化無血則乳無以生不幾向飢人而乞食貧人而索金乎治法宜補氣以生血而乳汁自下不必利竅以通乳也方名通乳丹

人參

一兩

生黃芪

一兩

當歸

二兩洗

麥冬

五錢去心

木通

三分

桔梗

三分

七孔猪蹄

二個

去爪壳

水煎服二劑而乳如泉湧矣此方專補氣血以生乳汁正以乳生於氣血也產後氣血涸而無乳非乳管之閉而無乳者可比不去通乳而名通乳丹亦因服之乳通而名之今不通乳而乳生卽名生乳丹亦可

產後鬱結乳汁不通 七十七

少壯之婦於生產之後或聞丈夫之嫌或聽翁姑之譁遂致兩乳脹滿疼痛乳汁不通人以爲陽明之火熱也誰知是肝氣之鬱結乎夫陽明屬胃乃多氣多血之府也乳汁之化原屬陽明然陽明屬土壯婦產後雖云亡血而陽明之氣實未盡衰必得肝木之氣以相通始能化成乳汁未可全責之陽明也蓋乳汁之化全在氣而不在血今產後數日宜其有乳而兩乳脹滿作痛是欲化乳而不可得非氣鬱而何明明是羞憤成鬱土木相結又安能化乳而成汁也治法宜大舒其肝木之氣而陽明之氣血自通而乳亦通矣不必專去通乳也方名通肝生乳湯

經用小便
不於不惟
寒胃且
味一
重引入胃
中而化乳
金遠

白芍

五錢
醋炒

當歸

五錢
酒洗

白朮

五錢
土炒

熟地

三分

甘草

三分

麥冬

五錢
去心

通草

一錢

柴胡

一錢

遠志

一錢

水煎服一劑即通不必再服也

女科下卷

終